

Bosna i Hercegovina
Federacija Bosne i Hercegovine
Tuzlanski kanton
Grad Tuzla
Služba za kulturu, sport, mlade
i socijalnu zaštitu
Broj: 17-11-8196-2026/MI
Tuzla, 3.6..2026. godine

Na osnovu člana 4. Pravilnika o kriterijima i načinu raspodjele finansijskih sredstava iz Budžeta Grada Tuzle za podršku radu nacionalnih i kulturno – nacionalnih udruženja („Službeni glasnik Grada Tuzle“, broj: 6/26) i Programa utroška sredstava iz Budžeta Grada Tuzle za 2026. godinu sa pozicije „Transferi neprofitnim organizacijama – nacionalna i kulturno nacionalna udruženja“, broj: 17-216/26 od 1.6.2026. godine, Služba za kulturu, sport, mlade i socijalnu zaštitu, dana 3.6.2026. godine, objavljuje:

JAVNI POZIV
za dodjelu sredstava iz Budžeta Grada Tuzle za 2026. godinu sa pozicije „Transferi
neprofitnim organizacijama – nacionalna i kulturno nacionalna udruženja“

I - Predmet javnog poziva

Predmet javnog poziva je dodjela sredstava iz Budžeta Grada Tuzle za 2026. godinu za podršku radu nacionalnih i kulturno nacionalnih udruženja koja realizuju aktivnosti na području grada Tuzle. Namjenska sredstva planirana su na poziciji „Transferi neprofitnim organizacijama – nacionalna i kulturno nacionalna udruženja“ u iznosu od 49.500,00 KM.

Sredstva sa navedene dodjeljuju se nacionalnim i kulturno nacionalnim udruženjima u svrhu (su)finansiranja osnovnih troškova rada i djelovanja nastalih u toku tekuće godine a pod kojim se podrazumijevaju:

- a) administrativni troškovi (angažovanje administrativno-tehničkog osoblja, zakup poslovnih prostorija, režijski troškovi, nabavka kancelarijskog materijala i sl.) i
- b) troškovi realizacije aktivnosti baziranih na očuvanju nacionalnog identiteta i ravnopravnosti te afirmaciji kulturno – nacionalne baštine i tradicijskih vrijednosti koje su od značaja za područje grada Tuzle.

II - Pravo učešća

Pravo na dodjelu sredstava po ovom Javnom pozivu mogu ostvariti neprofitne organizacije, nacionalna i kulturno - nacionalna udruženja sa sjedištem na području grada Tuzle (u daljem tekstu: aplikanti) koje ispunjavaju sljedeće opće uslove:

- a) da su osnovane i registrovane u skladu sa važećim zakonskim propisima u Bosni i Hercegovini,
- b) da im je osnovna djelatnost, u skladu sa rješenjem o upisu u registar, usmjerena na očuvanje i afirmaciju nacionalnog identiteta i ravnopravnosti te kulturno – nacionalne baštine i tradicijskih vrijednosti,
- c) da ne obavljaju aktivnosti u ime političkih partija,
- d) da realizuju aktivnosti na području grada Tuzle.

Iznimno, sredstva se mogu dodijeliti i neprofitnim organizacijama koje nemaju registrovano sjedište na području grada Tuzle a realizuju aktivnosti na području i od interesa za grad Tuzlu, što će se cijeliti u svakom pojedinačnom slučaju.

III – Prijava na Javni poziv

Prijava na javni poziv podnosi se na propisanom prijavnom obrascu koji je potrebno elektronski, potpuno i sadržajno popuniti te potpisati od strane ovlaštene osobe.

Uz popunjen prijavni obrazac aplikanti su obavezni dostaviti sljedeću dokumentaciju:

1. Opis aktivnosti koje se planiraju realizovati u tekućoj godini koji obavezno sadrži opis značaja planiranih aktivnosti za područje grada Tuzle,
2. Detaljno razrađen finansijski plan troškova koji su neophodni za rad u tekućoj godini a koja se potražuju od Grada Tuzle na propisanom obrascu za budžet, elektronski popunjenom i potpisanom od strane odgovorne osobe aplikanta,
3. Kratak opis aktivnosti/projekata realizovanih u prethodne tri (3) godine
4. Rješenje o upisu u registar udruženja kod nadležnog ministarstva (fotokopija osnovnog rješenja o upisu i rješenja o upisu promjena),
5. Izvod iz registra udruženja koji nije stariji od šest (6) mjeseci od dana objave javnog poziva (original ili ovjerena fotokopija),
6. Identifikacioni broj (fotokopija),
7. Uvjerenje o izmirenim obavezama prema javnim prihodima (uvjerenje nadležne porezne uprave koje nije starije od 30 dana od dana objave javnog poziva – original ili ovjerena fotokopija),
8. Završni godišnji finansijski izvještaj za prethodnu godinu sa pečatom AFIP-a (bilans stanja i izvještaj o prihodima i rashodima – fotokopija),
9. Podaci o stručnosti osoba angažovanih u udruženju i na realizaciji predloženih aktivnosti (kraći CV),
10. Zvaničan dokument banke o otvaranju transakcijskog računa aplikanta

Jedan aplikant može aplicirati sa jednom prijavom. Prijavni obrazac i obrazac budžeta objavljeni su u prilogu ovog Javnog poziva na službenoj internet stranici Grada Tuzle (grad.tuzla.ba).

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje. Neće se uzeti u razmatranje ni prijave aplikantata:

- a) koji nisu izvršili svoje obaveze u vezi sa ranije doznačenim finansijskim sredstvima iz Budžeta Grada Tuzle,
- b) koji nisu izmirili obaveze prema javnim prihodima,
- c) čiji je rad usmjeren na političke aktivnosti,
- d) koje su namjenjene za isključivu dobit pojedinca,
- e) u kojima namjena sredstava nije definisana u skladu sa tačkom I Javnog poziva.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i načinu raspodjele finansijskih sredstava iz Budžeta Grada Tuzle za podršku radu nacionalnih i kulturno – nacionalnih udruženja („Službeni glasnik Grada Tuzle“, broj: 6/26) i Programom utroška sredstava iz Budžeta Grada Tuzle za 2026. godinu sa pozicije „Transferi neprofitnim organizacijama – nacionalna i kulturno nacionalna udruženja“, broj: 17-216/26 od 1.6.2026. godine

Minimalan iznos sredstava za dodjelu po jednoj aplikaciji je 5.000,00 KM a maksimalan 16.000,00 KM. Visina sredstva za dodjelu će se određivati u skladu sa utvrđenim brojem bodova za aplikaciju prema sljedećem okvirnom rasponu:

Broj bodova	Iznos sredstava za dodjelu (KM)
21 - 25	5.000,00 – 7.000,00
26 – 30	7.000,00 – 10.000,00
31 – 35	10.000,00 – 13.000,00
36 - 40	13.000,00 – 16.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost predložene aplikacije, traženi iznos sredstava iz Budžeta Grada Tuzle kao i iznos raspoloživih sredstava za dodjelu.

V – Mjesto i rok dostave prijave na javni poziv

Prijave na javni poziv sa pratećom dokumentacijom aplikanti dostavljaju u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla

sa naznakom „Javni poziv za dodjelu sredstava iz Budžeta Grada Tuzle za 2026. godinu sa pozicije „Transferi neprofitnim organizacijama – nacionalna i kulturno nacionalna udruženja“
„Ne otvarati prije zvaničnog otvaranja“

Javni poziv je otvoren 15 dana od dana objavljivanja, a krajnji **rok za predaju aplikacija je 18.6.2026. godine**. Aplikacije koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta.

VI - Način objavljivanja rezultata i dodatne informacije

Nakon završenog postupka odabira na službenoj internet stranici Grada Tuzle (grad.tuzla.ba) bit će objavljena Lista o odabiru aplikacija koja će sadržavati odabrane aplikante kao i aplikante koji nisu ispunili uslove javnog poziva sa naznakom koji uslov nije ispunjen.

Sve dodatne informacije o načinu i postupku prijave na Javni poziv mogu se dobiti u Službi za kulturu, sport, mlade i socijalnu zaštitu Grada Tuzle, putem telefona: 035/307-327 te slanjem pitanja na e-mail adresu: asja@tuzla.ba, sa naznakom „Javni poziv za nacionalna i kulturno - nacionalna udruženja“.

**Služba za kulturu, sport, mlade
i socijalnu zaštitu**